

清會典



				漢書門
		二四三五		
	一三七五			
二〇	三			
冊	架	函	號	類

六十三

庫	文	閣	內	
二五	二			漢
函	二			
三	〇			書
架	冊			

內閣文庫	
番號	漢 2435
冊數	20 (12)
函號	295 5





欽定大清會典卷之六十

兵部

武選清吏司

職制上

淺草文庫

凡八旗武職一二品官由部列名奏補領侍衛

內大臣內大臣掌鑾儀衛事內大臣均候

旨簡用鑾儀衛鑾儀使以下官均由該衙門以應用

之人列名奏補在京叅領以下駐防協領以下

官由各旗簡選應升應用之人引

見補授以各咨部五品以上者按月彙題六品以下

欽定大清會典

卷之六十 兵部

一

者注冊。

凡列名疏請滿洲都統。由部以本翼蒙古都統
滿洲蒙古副都統滿洲蒙古見任漢軍都統副
都統前鋒護軍步軍各統領駐防滿洲將軍都
統副都統滿洲外任提督列名具疏請補蒙古
都統以本翼滿洲蒙古副都統滿洲蒙古見任
漢軍副都統前鋒護軍步軍各統領駐防滿洲
蒙古將軍都統副都統滿洲蒙古外任提督列
名具疏請補漢軍都統以本翼前鋒護軍步軍
各統領副都統駐防漢軍將軍副都統漢軍外

任提督列名具疏請補滿洲副都統以本翼蒙
古副都統滿洲蒙古見任漢軍副都統及侍郎
總兵官列名具疏請補並以應升蒙古漢軍副
都統各官列名於後以備調用其散秩大臣公
侯伯子男冠軍使王府長史一等侍衛護衛前
鋒護軍總騎各叅領內府統領。

圓明園營總健銳營翼領叅領別列名單附疏以
進蒙古副都統以本翼蒙古見任侍郎及步軍
翼尉游牧總管滿洲蒙古外任總兵官列名具
疏請補其散秩大臣以下各官附疏如前漢軍

副都統以木翼漢軍見任侍郎及步軍翼尉各官列名具疏請補其散秩大臣以下各官附疏並同前鋒統領以木翼護軍統領滿洲蒙古見任漢軍副都統列名具疏請補護軍統領以木翼滿洲蒙古副都統滿洲蒙古見任漢軍副都統及俸滿之前鋒護軍各叅領由叅領補授之王府長史列名具疏請補步軍統領以滿洲蒙古副都統滿洲蒙古見任漢軍副都統步軍翼尉列名具疏請補○駐防滿洲將軍以八旗滿洲蒙古副都統滿洲蒙古見任漢軍副都統木

駐防副都統滿洲蒙古外任提督列名駐防漢軍將軍以內外漢軍副都統漢軍外任提督列名駐防都統以前鋒護軍各統領滿洲蒙古副都統滿洲蒙古見任漢軍副都統滿洲蒙古外任提督列名駐防滿洲副都統以滿洲驍騎叅領本駐防協領及各城守尉三品總管滿洲蒙古外任總兵官八旗副都統列名駐防漢軍副都統以漢軍叅領各駐防協領黑龍江水師營總管漢軍外任總兵官八旗副都統列名右衛副都統以八旗副都統按翼列名歸化城副都

欽定大清會典事例 卷之六十一
統以上三旗滿洲蒙古前鋒護軍驍騎各參領
列名均由部具疏請補○有職守無專官者以
一二品大臣攝理之火器營總統以領侍衛內
大臣前鋒護軍各統領滿洲蒙古都統副都統
滿洲蒙古見任漢軍都統副都統列名管理營
房以本旗都統副都統列名嚮導官總統以前
鋒護軍各統領滿洲蒙古副都統滿洲蒙古見
任漢軍副都統列名巡察京倉八旗直年以都
統副都統列名均由部奏請兼攝其在京都統
各官或署外任或督師及出差懸闕者由部將

應攝之人奏請

凡信礮總管於輕車都尉騎都尉司信礮官內
簡選犧牲所所收於騎都尉雲騎尉內簡選均
由部引

見補授黑龍江吉林四五六品管水手官由各將軍
於屬官內按品簡選送部引

見補授或所送之人不勝任由部咨取在京八旗應
升之人引

見○王府長史貝勒司儀長由都統於下五旗前鋒
護軍驍騎各參領佐領散騎郎一二等護衛子

欽定大清會典

卷之六十一

男輕車都尉騎都尉內每旗簡選二人送部部

會領侍衛內大臣同王員勒擬定正陪引

見補授護衛典儀散騎郎於子以下雲騎尉以上各

官內簡選五品以上者由該王員勒員子公等

會部擬定正陪引

見補授六品以下者咨部注冊

凡降補各照所降之級按品擬補於正升人後

列名請

旨一二品官應降補六品者令在旗効力三年無過

進一級擬補○駐防官降調屬將軍都統副都

統所轄者埃本處駐防員闕按品補用餘令回

旗候補○文職改補旗員者給事中御史道府

以副叅領佐領城門領員外郎同知知州以

步軍尉司信礮官用主事通判知縣以驍騎校

用小京官府州縣首領筆帖式以城門吏用○

旗員任綠旗武職仍改補旗員者副將以步軍

翼尉城守尉協領用叅將遊擊以前鋒護軍驍

騎各叅領用都司以前鋒侍衛副叅領步軍協

尉佐領防守尉用守備以防禦步軍尉用○王

府官降調按級擬補無官可補者罷職

欽定大清會典

卷之六十一

兵部

五

凡人

覲駐防將軍都統副都統更番來京先將軍都統
次副都統有副都統三四人者分兩次止一人
者越一歲一次四川副都統均於十二月至京
人

覲述職既得

旨則回原任駐防協領總管城守尉叅領各官任滿
三年令該管官注考送部引

見分別黜陟以示勸懲○將軍副都統入

覲豫以起程之日報部印交同官署理無同官者

委屬官護理赴任未久者遇入

覲之期準緩至下次協領以下各官亦如之。

凡治喪旗員丁父母憂及為祖父母承重者準

治喪百日不供職副都統以上由部奏請署理

餘由本旗委署祖父母以下各照服制月日給

假。

凡更改姓名五品以上者彙題六品以下者注

冊。

職制中

凡直省武職副將以上列名具疏請補叅將以

下按月升選引

見補授。

凡列名疏請提督由部以俸深副都統十人列名並別列各鎮總兵官附疏以進總兵官以漢軍俸深叅領十人列名並別列各協副將附疏以進副將以俸深叅將十人列名並別列各營叅將附疏以進副將叅將有記名軍功保舉及俸滿議敘應升卽用者均於疏內注明○提督總兵官有應補者均指名具疏請補副將惟服闋者指名具疏請補至降調開復於疏內列名

於前。

凡月選單月叅將以游擊論俸推升游擊以都司論俸推升都司以藍翎侍衛按應升之月推升餘月先用應升之功加守備次以守備論俸推升守備以藍翎侍衛按應升之月推升餘月分各途以次升選門衛千總應升營守備者爲升班功加千總考驗一等及無職任之功加應用營守備者爲功班難磨守備及福建澎湖臺灣俸滿千總爲劄班俸滿分發千總經本管官咨部入選者爲分發班京營効力千總爲當差

班雙月叅將游擊都司以二等三等侍衛及軍政卓異者按應選之月推選餘以在部投供候補者推選守備以武進士簡選一二等在部候選及分省學習經本管官咨部入選者為科班年滿千總發回候推者為委班武舉充補提塘及武進士武舉之在部効力者為勞班武進士充補提塘期滿以營守備用者為効力班俸滿分發千總經本管官咨部入選者為分發班京營効力千總為當差班降革開復為還班○卓異官以二四六十月用一二等侍衛以二月分

叅將游擊川歲一人三等侍衛以四六八月分游擊都司用歲三人藍領侍衛以單月分都司守備用歲五人奉

旨卽用及裁汰赴補親老改補近省並領劄無任可到者部推部選之任或經題問或別題補均雙單月不入班次卽用迴避赴補者雙月不入班次卽用奉

旨用守備無班可歸者歸雙月五人之後用○在京候選者月之二十五日掣籤於前月之朔投供三日驗到掣籤後考騎射引

見補授庸劣者奏退掣籤不到者罷職○每月升調

降革病休應歸月選者於科鈔及內外咨揭到日注冊以月之二十日為限限前到者本月選限後到者次月選題奏下部議十二日以前到者五日內覈覆歸本月選十三日以後到者歸下月選。○候補都司以上視文到先後月選守備視俸先後門衛千總功加視引

見先後同日者視俸先後難應視無職任功加視入伍先後武進士俸先後武舉充補視簡選等次及年月先後俸滿千總武舉充補

材官及難應守備視引

見先後同日者視俸滿先後難應視武進士武舉充

補提塘材官視期滿先後同日者視科名先後降革開復

視還職先後同日補授同日到任官視前俸先後初任官視原疏名次先後○京營二年俸滿

餘一日準常俸一日有半由軍功議敘者準以京俸論邊疆分三年五年俸滿海疆分二年三

年俸滿水土惡劣之地二年俸滿見任官以到任受劄之日論俸試署官以實授受劄之日論

俸裁汰告假丁憂開復及應降應革遇恩詔免議者準理前俸均計其年月深淺按班推升

議敘即升及卓異官均不論俸推升

凡拔補把總於外委及未簡選之發標武舉內拔補千總於把總及已簡選之發標武舉內拔補均咨部彙題給劄惟馬蘭秦寧二鎮千把總由總督擬正陪送部引

見補授。○千總六年俸滿由督撫提鎮甄別優者送部引

見或分發本省以守備題升或發回原營候部以守備推升闕三年未得題升推升者再加甄別差其等次爲用命

凡八旗世爵武職外用子男一等侍衛冠軍健

叅領步軍翼尉長史以副將用輕車都尉二等侍衛雲麾使前鋒侍衛副叅領佐領步軍協尉以叅將游擊用騎都尉三等侍衛治儀正步軍副尉步軍尉以都司用雲騎尉恩騎尉四等侍衛藍翎侍衛整儀尉親軍校前鋒校護軍校驍騎校以守備用親軍前鋒護軍以千總用○直隸山西沿邊各營於副將至守備內分定地方歸於旗員按旗次第簡用西安甘肅二省四川松潘一鎮在外題補之副將叅將以七之一游擊都司以六之一守備以五之一直隸內地各

營副將。參將。以五之二游擊。都司守備。以十之三。令外任沿邊將備之旗員調補。其簡選題補要地。及論俸推升。均與綠旗武職同。

凡漢世爵外用。伯子男。用副將。輕車都尉。用參將。騎都尉。兼一雲騎尉。用游擊。騎都尉。用都司。雲騎尉。用守備。

凡武科錄用。武進士一甲一名。授一等侍衛。二甲三名。授二等侍衛。三甲均授三等侍衛。三甲入選者。授藍翎侍衛。其餘請

旨簡選。列一等二等者。注開。以營守備用。三等者。以

衛守備用。武舉會試報罷。願入伍學習者。發本省標營。給食馬兵糧。隨營差操三年。優者。準保送部。由生監中式者。發鄰省。由營兵甲式者。發本省。均以千把總拔補。

凡功加敘用。從軍得有功加者。由本管官考覈。繫外委。及無職任効用者。一等保送引

見候

旨用。二等輪拔把總。三等由營學習。繫見任千把總。一等保送引

見。按功加應得之官用。二等以千把總應升之官用。

三等報部注冊。

凡廕生改武者考騎射引

見各視得廕品級以都司守備及守禦所千總衛千

總用陣亡官廕守備者考騎射引

見分定營衛歸入月選用。

凡提塘三年期滿由武進士充補者依簡選等

第以營衛守備用由候選候補守備充補者以

應得之官卽用。

凡材官三年期滿由一二等武進士充補者用

與充補提塘同由武舉充補者分別等第引

見一等者候

旨以營衛守備用二等者以守禦所千總用。

凡題補調補京營參將游擊守備山步軍統領

簡選應升之人題補直省外海內河邊塞衝要

省會各標營副將以下守備以上有豫保奉

旨注冊者由部籤掣補授無豫保注冊者令督撫提

鎮簡選才技優長諳練地方之人題補苗疆及

番夷棚民錯處水土惡劣瘴癘之地各營將備

均令督撫提鎮簡選熟悉風土人地相宜者調

補

凡降補提督降一級。二級。及總兵官降一級。均補副將。副將降一級。及提鎮以下降級多者。依次遞降補用。無職可降者。罷職。應補副將者。與應升之人同列名具題。應補叅將。至營守備者。輪班候推。應補營千總。把總者。發原籍附近之省。交督撫提鎮考驗。拔補門千總。應降把總者。交步軍統領考驗拔補。
凡武職養病或推升時。經督撫提鎮以親老奏請。畱任。或初選時。由部改奏近地。日後均以原任原選之人坐補。

凡病痊起用。除老病乞休外。其因病請解任調理者。游擊以下。由部覈覆。即令回籍。叅將以上。覈覆得

旨。迺行痊日。在原任地方。由督撫提鎮。在本籍。由督撫疏請。送部引

見。以原官用。千把總患病告退。材尚可用者。各部注冊。痊日準補。

凡武職迴避。凡選官。均避本省。題補官。叅將以上。避本省。都司以上。避本籍五百里。守備。避本府。千把總。避本營。水師。及河營官。不論至同族。

及姻親母之父及兄弟妻之父屬管轄者均令
官卑者迴避。

凡武職丁憂提鎮由督撫題報副將由統轄官
題報皆歸籍守制服闋赴補叅將以下給假歸
籍治喪畢仍回任。二十七月之內不升轉。○見
任官丁憂未及報部已推升者原官若已補人
令赴新任未補人者回原任服闋補升候選官
丁憂服闋赴補若選後丁憂已給劄者照見任
官給假治喪未給劄者歸籍守制服闋補選。
凡武職籍貫更復姓名者叅將以上督撫提鎮

題請游擊以下各部注冊仍於歲終彙題。○任
所不得置產遇丁憂及因事解任均令歸籍若
身故之後叅將以下子孫無力遷移欲於祖父
任所入籍者地方官申報督撫咨部準其入籍
副將以上不在此例。

職制下

凡衛所武職單月衛守備以衛千總領運全完
議敘卽升者爲卽升班門衛千總俸深應升者
爲應升班守禦所千總議敘卽升及加銜以衛
用者爲守禦所升班雙月衛守備以開復降補

還職者爲還班。武進士簡選三等。及藍翎侍衛歸班以衛用者。爲科班。雖廕守備以衛用者。爲給劄班。武舉効力三年期滿。爲勞班。武進士充提塘期滿者。爲効力班。守禦所千總以開復降補還職者。爲還班。南漕効力者。爲委用班。廕生改武者。爲給劄班。武舉効力期滿。以守禦所用者。爲勞班。門千總以漢軍武舉爲科班。隨幫効力期滿者。爲幫班。衛千總以開復降補還職者。爲還班。簡選一二三等武舉。爲一二三等科班。南漕効力者。爲漕班。雖廕爲廕班。候推守禦所

千總。隨幫運滿者。爲守禦所幫班。一二三等武舉。隨幫運滿者。爲一二三等幫班。漢軍武舉。隨幫運滿者。爲漢軍幫班。隨幫武舉科分最前者。爲深科班。簡選最早者。爲簡班。世爵隨幫者。爲給劄班。隨幫代領重運。及南漕効力。科分最前者。爲代重班。廕生以衛千總用者。爲恩廕班。○甘肅衛所守備。專用武進士。千總。專用武舉。如值班無應選者。卽用下班之人。○營官改衛用者。視奉

旨先後。南漕効力重運武舉。視檄委先後。同日者。視簡選科名。

先。世爵隨幫。視簡選先後。其餘班次。均與綠旗
後。○衛所官以營用者。於每月截限之前。歸入
營班用。至候選衛所官。以不識文義辭者。準入
營班用。
凡調改衛守備千總。有職任繁劇者。由漕運總
督。於所屬守備千總內。選才優者調補。○貴州
衛千總。由總督於所屬千。把總內。選通曉文義。
熟悉苗情者。或調或拔。五年俸滿。以營守備題
升。○邊遠難處。候推衛千總者。因家貧告降。準
以把總用。

凡簡選舉。會試後。由部請

簡大臣。會部考試騎射。分爲五等。一。二。三等。以衛千
總用。四等。回籍學習。五等。褫革。漕標隨幫効力
官。由部於候推千總。武舉內簡選引。

見命往。運糧三次。咨部注冊推用。

凡降補衛守備降一級。以守禦所千總用。守禦
所千總降一級。以衛千總用。衛千總降一級。以
營千總用。南漕隨幫武舉降一級。以營千總用。
降二級。以把總用。應降營千總者。發鄰省考拔。
應降把總者。發本省考拔。

凡給憑赴任。照文職例。例詳吏部量遠近為限。由部

書憑。兵科填限。該員親赴兵科。畫憑。其在外推

陞。並以簡調繁。毋庸送部引

見等官憑限。封發各督撫轉給。抵任即行繳憑。違限

者。兵科覈叅。計月議處引

見回任。及

命往各省試用者。給與驗票。逾限議處。亦如之。

欽定大清會典卷之六十一

兵部

武選清吏司

守衛

凡宿衛

宮門領侍衛內大臣率侍衛分班入直。

紫禁城門前鋒護軍統領率前鋒護軍叅領前鋒

護軍分班入直。

皇城門前鋒護軍叅領率所屬官兵及步軍尉步

軍分班入直。三旗司鑰長一人。於

景運門五旗司鑰長一人於

闕左門直宿掌各門鎖鑰有曠直及擅縱人出入者各論如法

凡城守內外城城門領司城門之筦啟閉以時掌之步軍統領不以時至者合符迺啟步軍統領於次日疏

閱過

朝會祭祀日所司移部各步軍統領於曉鐘時啟門納與事官役行人出入仍依常時

凡汛守內外城頭街道及倉庫步軍統領分遣

步軍尉率所屬步軍直宿巡警詰姦禁暴緝盜捕逃罔或疎縱部遣官稽察有曠厥職守者論如法恭遇

車駕巡幸八旗都統於各城及街道增設弁兵守衛歲終封印後亦如之○設信礮五於白塔山掌以總管等官以備警急九門設礮亦如之

凡夜禁步軍尉率步軍分界直宿入夜傳籌擊柝止行人誦姦匪步軍統領翼尉分巡部遣官稽察有疎縱夜行及擾累行人者官兵責罰有差



凡防禦火災。八旗各設火班。領以都統或副都
統一人。官十人。兵八十人。有失火之處。分直宿
官兵之半。卽往撲滅。○南城外。報步軍統領。破
正陽門。城內。報相近之旗。均立率官兵往救。東
城。報正藍。鑲白。二旗。西南城。報鑲藍。鑲紅。二旗。
東北城。報鑲黃。正白。二旗。西北城。報正黃。正紅。
旗。
禁城內及倉庫公廩。每翼兩旗同赴。有不至者罪
之。

大閱

凡

大閱。由部三歲一奏請得
旨。疏列王公大臣名。

簡王。公大臣。總理其事。先飭八旗都統等。各帥所部
訓練成式。總理王。公大臣。各八旗將校。甲兵。擐
甲操演。凡鹿角。長槍。鳥槍。神威。礮。子母礮。蒙古
畫角。海螺。旗。纛之屬。各飭所司修整。以俱用。列
陣之法。左翼。鑲黃。正白。鑲白。正藍。四旗。以次而
東。西上。右翼。正紅。正黃。鑲紅。鑲藍。四旗。以次而

西東上各按旗為隊。首列漢軍火器營鹿角步卒於中。滿洲火器營騎軍於左右。統兵大臣十有七人。將校七百二十人。兵九千一百七十有六人。次前鋒營護軍營。驍騎營並列而各分其隊。統兵大臣十有六人。將校二百九十六人。兵四千四百十人。分大臣四之一而贏。將校甲兵五之一而贏。以為殿。又次護軍營。驍騎營並列而各分其隊。統兵大臣八人。將校百四十四人。兵三千五百二十八人。其分張兩翼。綴於左右。四旗大營之末者為護軍。驍騎營。按旗相屬而

斜列其隊。統兵大臣八人。將校百三十六人。兵千七百六十四人。掌畫角官十有七人。禁約官三十二人。兵六百四十人。傳宣官二十四人。凡統兵大臣由總理王。分大臣列名奏請。將校甲兵按各旗各佐領分出。先期武備院於

大閱所立

御營前設

帳殿鑿儀衛陳騎駕鹵簿饒歌鼓樂於行宮門外左右。陳上三旗蒙古畫角於帳殿前。兵部陳傳令海螺於臺下。達於軍陣。及期

總理王大臣暨八旗領操都統等帥將校軍士
甲冑出營既成列兵部堂官奏請

駕將發聲轍三鑊歌大樂作奏壯軍容之章

駕自行宮乘馬侍衛二十人內大臣十人騎而導前

張黃蓋領侍衛內大臣二人後扈侍衛班領率

豹尾班執槍侍衛佩刀侍衛各十人佩弓矢侍

衛二十人騎而從

駕入

御營

躬擐甲冑內大臣侍衛咸甲冑兵部尚書奏請

閱兵

皇帝佩刀出

御營屬橐鞬乘馬兵部堂官甲冑騎而導內大臣侍

衛前後扈從如前儀總理王大臣暨滿夫學士

咸甲冑騎而從豹尾班後三旗內大臣散秩大

臣率親軍舉黃龍大纛二三旗侍衛親軍各隨

侍衛什長親軍校按隊而行不入陣之王公九

卿均按翼序立於左右

皇帝入自左翼由列陣中路行經驍騎護軍前鋒諸

隊而南火器營諸隊而北出右翼周閱畢迺還

下馬釋褭韉。

御帳殿豹尾班三旗侍衛分翼列侍。建黃龍大纛二帳殿左右。陳親軍海螺十二於纛前。內大臣侍衛親軍羅列環侍。執事王公大臣滿漢九卿分翼序立。八旗傳宣官騎而列於臺下。侍衛每翼六人騎而列於傳宣官之前。又選侍衛中善馭馬者三十人。不授甲。列於侍衛之後。以控鞅馬。兵部尚書奏鳴角鑿儀。使率鳴角軍進。蒙古畫角先鳴臺上海螺。臺下傳令海螺。以次通鳴。達於軍陣。軍中畫角海螺畢。鳴傳令海螺。以次退立。

於臺下軍中三舉鼓。迺伐鼓行陣。昇鹿角整列而進。每進以十丈為率。鳴金迺止。一字列陣。麾紅旗則槍礮齊發。各一周。鳴金迺止。再伐鼓整列而進。鳴金麾旗發槍礮如初。如是者九。第十進槍礮連環齊發。無間。鳴金迺止。八旗開鹿角。成八門首隊前鋒。護軍驍騎各整列。以次出至鹿角外。次隊隨之。火器營列於後。既成列。鹿角門闔。八旗齊鳴螺。呼聲而進。兩翼協隊皆鴈綴以進。軍中鳴金迺止。為殿之八旗火器營槍礮護軍驍騎及首隊前鋒護軍驍騎各列於本旗。

大纛之下。鳴螺振旅而還。八旗漢軍分鹿角爲
八行。本旗都統建龍纛。整隊而還。首隊兵。殿後
兵。各以次鳴螺。結隊徐旋。退列於初成列之地。
兵部尚書奏

大閱禮成。

皇帝出帳殿。入御營。釋甲冑。內大臣侍衛咸釋甲冑。
回鑾。導引扈衛如前儀。饒歌清樂作。奏望皇威之章。
駕進行宮。聲轍三將士各歸營。釋甲冑。是日
賜燕賞賚各有差。
大狩。

凡狩田。設圍場於古北口外。日本關以總管掌
其地。政咸遇

皇帝行田。既奉

旨。總理行營王大臣奏請。嚮道官一人。先蒞圍場。於
鑾輿所經之地。除道清軌。行文所司儲備。宗人府內
學部院奏請

欽命扈從王公各官八旗護軍統領。請
命統領三人。營總三人。其叅領以下。及護軍。由八旗
酌委奏

聞先期。由部行文駐防將軍都統副都統各選所屬

官兵材藝優長者分班遣赴

京師。隨圍學習。○先期一日遣官以狩田祇告

奉先殿。至日。

皇帝御征衣。乘馬出宮。翊衛諸臣。前引後扈。百官采

服跪送。均如

巡幸儀。

詳見禮部

行營駐蹕。護軍統領。營總各一人。率護軍。參領。護軍

校護軍。先蒞其地。度地廣狹。以立

御營。禁隨

駕官兵。踐禾稼。擾吏民。營總巡警嚴譏察。止夜行。違

者論如法。既至。行在兵部。頒行圍禁令。

欽命統圍大臣數人。先蒞圍場。按旗為隊。分兩翼。斜

行成列。各置旗以為表。前哨左右用藍。兩脇左

白。右紅。中軍用黃。前哨馳而進。則後隊以次隨

發。繞圍場。蟬聯環匝。由遠而近。毋差池。毋間斷。

皇帝臨圍場。親御躬矢。圍合。獸突。

皇帝發矢殪之。

御前大臣侍衛咸射。軼於圍外者。從官追射。遇大獸。

虎槍官兵從之。既獲獸。各比次其類以獻。

駕還行營。以所獲獸分班扈從諸臣。

大狩禮成
賜燕賞賚有差。

凡

巡幸所至各備圍場

車駕東巡由部移文

盛京等處將軍經行蒙古諸部由理藩院行知扎薩克王等各率所屬官兵以從。

命統圍大臣分翼合圍均如前制。

凡田於近郊設圍場於

南苑以奉宸苑領之統圍大臣督八旗統領等各

率所屬官兵先蒞圍場布列鑲黃正白鑲白正

藍四旗以次列於左正黃正紅鑲紅鑲藍四旗

以次列於右兩翼各置旗以爲表兩哨前隊用

白兩協用黃中軍用鑲黃

駕至圍場合圍較獵與前制同。○每歲孟冬八旗都

統領奉天吉林黑龍江及直省駐防將軍都

統領提鎮各率所屬官兵於郊原曠野習出獵毋

蹂躪民田毋曠地時日格而不舉者論

出征

凡

欽定大清會典

卷之五

兵部

九

親征

皇帝躬統六軍征討弗庭先

簡大臣總理軍營遣官於

鑿輿所經之地計程設驛統兵各官率士旅秣馬礮

兵以待調發既卜日適陳將士列軍陣而

親訓之

頒行軍律令遣官祇告

天

地

宗廟

杜稷及期鑿儀衛陳騎駕鹵簿於

午門外兵部陳八旗蒙古畫角十有六海螺二百

於

堂子街門外設

御營黃龍大纛於內門外設八旗護軍纛火器營纛

各八於黃龍大纛後均北嚮

皇帝御征衣佩刀乘馬出宮詣

堂子行禮畢致禮於

大纛之神禮成

儀詳禮部

皇帝屬纊韉乘馬內大臣侍衛率親軍舉黃龍大纛

隨行八旗官軍。豫於郭外。分左右翼陳列。首前
鋒軍。次烏槍護軍。次護軍。次烏槍驍騎。次驍騎。
次滿洲礮兵。次漢軍火器兵。

駕出郭。聲礮三。官軍皆馬上俯伏。候

駕過。各整伍。以次隨發。不隨征之。王公百官。於大軍
列隊之前。兩旁跪送。○師行之制。兵四人。從役
各一人。為一幕。每兵給馬四匹。兵役各乘其一。
以二馬負甲。出軍械。糗糧。鑊帳之屬。各分隊以
次而行。牧馬於途。分左右路。前隊牧馬於路左。
則留路右。以待後隊。均總隸於領侍衛內大臣。

每舍護軍統領。營總。武備院卿。立

御營。設帳殿。幕幄於正中。繚以幔城。前為旌門。領侍
衛內大臣。率侍衛親軍宿衛。建刁斗。設巡警。其
外為網城。設門三。每門以上三旗護軍守之。外
營連帳大城。設門四。每門以八旗護軍守之。前
鋒軍。列為二營。屯於

御營之前。八旗護軍。驍騎。列為十六營。八旗漢軍火
器營兵。列為四營。扈從部院堂司官。筆帖式。列
為一營。八旗察哈爾蒙古扎薩克綠旗兵。各列
為一營。每營以王公大臣領之。均繞

御營而屯。○六軍列陣中設鹿角漢軍火礮鳥槍及
綠旗兵左右列滿洲火器營鳥槍護軍鳥槍驍
騎礮營驍騎次首隊列前鋒護軍驍騎及前鋒
護軍驍騎殿兵各按旗為隊。○列陣二隊列
護軍驍騎如之其分列於左右兩翼者為援兵
各按旗相屬而斜列其隊大軍輜重各隨本旗
參領立於陣後百步之外。部院官暨內務府護
軍執事人前鋒軍均扈從
御駕以備調遣蒙古軍列為一隊以備追擊。○六軍
凱旋變儀衛陳法駕鹵簿在京王公百官均出

郭五里跪迎。

皇帝入都門詣

臺子行禮畢還宮翼日行飲至策勳禮從行將士爵賞

有差擇吉

御殿受賀如大朝儀詳見禮部

凡

命將

皇帝命大將軍統帥軍旅擇吉出師先期所司陳

欽賜甲冑弓矢於

午門頒賞畢大將軍率從征將士恭詣

御前授行師方畧至日

皇帝臨軒授大將軍

勅印大將軍啟行

乘輿親餞於長安門

賜卮酒大將軍跪受飲畢屬櫜鞬乘馬文武大臣承

詔餞於郊設祖帳禮兵二部堂官奉茶大將軍率從

征將士望

闕謝

恩迺整旅而行首列

上賜軍械次令箭次

勅印護

勅印官內閣學士一人隨行大將軍騎後建大纛

贊大臣及戶部官一人兵部官一人刑部官一

人記室官四人內閣中書二人翰林院筆帖式

二人均隨纛行次標旗次大軍整旅隨發既泣

營簡閱營伍大將軍啟行鼓吹聲礮守營將士

離營候送每至一營官兵皆整隊列陣大將軍

巡閱既周統兵提鎮率所屬官隨行離汛迺止

其行軍機要聽大將軍因地乘時運籌決勝奏

凱還

朝

皇帝臨軒。大將軍恭繳。勅。行禮畢。遇。賜燕。及爵賞有差。擇吉獻俘。受俘。告成功於。

天

地

宗廟

社稷。勒碑太學。以表殊勳。詳見禮部若命重臣經畧軍務。其出師節制亦如之。凡行軍律令將帥稟

廟謨。作士氣。度虛實。審機宜。毋偷安。毋喜功。毋信讒。毋虐士卒。毋私用僉壬。毋輕進。以挫先聲。毋僥倖。以失機要。毋避難而阻撓。毋嫉功而傾軋。毋玩寇。毋養姦。毋老師糜餉。毋措克糗糧。毋暴殘降卒。其悖違矯誣。干戩戩。成憲以自取戾者。刑茲毋赦。○將士。穀甲冑。礪兵刃。備槍礮。時糗糧。鏗仗書名。馬駝烙印。師行有期。如約而至。整旅以行。視旗纛為行列。毋越伍。毋離次。毋擁擠喧譁。毋游騎馳驟。毋追射禽獸。軍過。毋騷擾。毋踐踏。毋掠貨財。毋毀民居。毋姦

婦女駐營時帳各出一人以埃見藍旗出則取
薪見黑旗出則取水毋擅出入議軍機毋竊聽
宣洩傳軍令毋增減要言毋私語缺望毋煽惑
流言毋疑鬼神毋醉酒行暴毋行竊遁逃毋
拾遺私匿毋溺情怠惰而違使令毋不戒於火
以致燎原遇夜警則設備制敵毋倉皇駭亂夢
寐毋警呼偵諜毋妄報守哨毋偷安馬駝牲畜
牧養如法毋縱蹂躪毋汙水泉毋遺忘軍械毋
狼戾貪糧違者視其所犯輕重以行軍法將校
論罰有差○臨陣接戰聽金鼓以爲進止毋却

顧毋耳語毋離隊而尾人後毋棄伍而入別行
毋違指授而誤事機毋倡邪說而搖衆志軍中
毋疾馳涉險毋嗟怨擊敵必奮勇前驅毋畏蕙
退避毋縱寇遠颺敵人奔潰選精騎追之將領
率大兵殿於後以禦伏寇毋貪取輜重而亂行
伍毋橫殺良民以報戰功有不用命者戮以徇
○振旅而歸以整以暇毋後先踰越毋驕矜毋
縱恣俘獲之人毋褫其衣服毋離散其夫婦毋
掠人之戰功毋詭無爲有毋舉輕報重以冒功
賞違者軍法從事

準父母並封。父視其子之品。母均封孺人。○直
 省武職封贈。公侯伯與旗員同。正從一品官。封
 榮祿大夫。妻一品夫人。正二品武顯大夫。從二
 品武功大夫。妻均夫人。正三品武義大夫。從二
 品武翼大夫。妻均淑人。正四品昭武大夫。從四
 品宣武大夫。妻均恭人。正五品武德郎。從五品
 武畧郎。妻均宜人。正六品武信郎。從六品武信
 佐郎。妻均安人。正七品奮武郎。妻孺人。其封贈
 三代。至一代與旗員同。○土司請封。由該督撫
 覈明。按其品級題給。

凡

恩廕。內外武職。二品以上。各廕一子。入監讀書。三年
 期滿。各吏部授官。願改武職者。八旗廕生。隨旗
 効力。按品食俸。

盛京駐防及游牧察哈爾官。所得廕生。願留本處
 効力。綠旗廕生。願改武職者。並聽。

凡卹典滿漢武職陣亡。給祭葬。予贈廕。各視品
 秩之大小為差。八旗武職。由部敘其官階。移文
 吏部。按品贈爵。予廕。直省武職。由部議給提督
 總兵官。各加贈二級廕一子。以都司用。副將參

將各加贈二級游擊。加贈一級。均廕一子。以守備用。都司守備各加贈一級。均廕一子。以衛千總用。千總以下各加贈一級。均廕一子。以把總用。其應得祭葬。移文禮部議給。○八旗一二品武職病故。由部敘其官階。稽其治績。移文禮部奏請。給以卹典。直省提鎮病故。奉

旨察例具奏者。由部覈明。任滿三年。題請加贈。

凡卹賞陣亡官給賞視爵秩爲差等。八旗武職都統。一等子。賞銀千一百兩。次二等子。次三等子。次一等男兼一雲騎尉。次前鋒護軍統領。副

都統。一等男。次二等男。次三等男。次叅領。一等輕車都尉兼一雲騎尉。次一等輕車都尉。次二等輕車都尉。次三等輕車都尉。王府長史。次騎都尉兼一雲騎尉。次騎都尉。次佐領。次雲騎尉。次散秩官。各遞減五十兩。六品官。二百五十兩。七。八品官。二百二十兩。不典兵之一品官。視一等男。二品視三等輕車都尉。三品視騎都尉。四品視雲騎尉。五品視散秩官。委署官銜小者。按本職。加銀五十兩。直省武職提督。賞銀八百兩。次總兵官。次副將。次叅將。次游擊。各遞減百兩。

都司三百五十兩。次守備。次守禦所千總。次衛千總。次營千總。次把總。各遞減五十兩。外委官視把總。○兵丁陣亡給賞。八旗護軍領催二百兩。驍騎百五十兩。礮手百三十兩。棉甲兵百兩。從役七十兩。綠旗馬兵七十兩。步兵五十兩。土兵減步兵之半。○臨陣受傷給賞。八旗兵一等傷五十兩。遞降至五等。每等減十兩。傷至殘廢者視陣亡例減半。仍別其殘廢之輕重。加賚有差。綠旗兵一等傷三十兩。遞減至五等。每等減五兩。○官兵出征病故。量予卹賞。有未完公帑。

由部奏請蠲除。

凡優卹休致官。旗員二品以上。以老疾乞休者。由本旗稽其服官歲月。軍功等次。請

旨給以恩俸。三品以下。年逾六十。曾經出征者。給半俸。臨陣得有功牌者。給全俸。年逾五十。曾出征得功者。給半俸。由部覈實。疏請。旗員任外省武職者。亦如之。漢武職。叅將以上。曾出征得功。以老疾休致者。督撫提鎮。覈實請

旨加恩賞賚。○兵丁効力行間。年老辭退。八旗兵。月給銀一兩。米一斛。綠旗兵。給守兵糧一分。以終

餘年。若身故無子。親老妻寡。及有子幼穉者。均酌予銀米養贍。

凡歲給名糧八旗武職。曰隨兵名糧。領侍衛內大臣滿洲都統八名。蒙古漢軍都統。前鋒護軍統領六名。公滿洲副都統四名。侯伯蒙古漢軍副都統三名。內大臣大學士。尙書左都御史。子前鋒護軍。驍騎各叅領二名。護軍驍騎副叅領。前鋒侍衛一名。有半。侍郎散秩大臣。左副都御史。學士。通政使。大理卿詹事。王府長史。男。佐領各一名。每名月給餉銀三兩。米二斛。步軍統領

九名。翼尉四名。協尉三名。副尉捕盜官二名。步軍尉一名。均於額設步軍內支領。直省武職。曰養廉名糧。提督八十名。總兵官六十名。副將三十名。叅將二十名。游擊十有五名。都司十名。守備八名。千總五名。把總四名。均以馬步各半支領。外委于把總。給步糧一名。均不許額外多占。

土司

凡土官甘肅指揮使八人。指揮同知七人。指揮僉事八人。千戶十人。副千戶二人。百戶九人。○青海千戶一人。百戶二十三人。百長二十六人。

○西藏百戶十有四人。百長十人。

四川宣慰使司宣慰使四人。宣撫使司宣撫使五人。副使三人。安撫使司安撫使二十三人。副使一人。長官司長官三十二人。副長官三人。千戶三十九人。百戶一百六十三人。

廣西長官司長官二人。副長官一人。雲南宣慰使司宣慰使一人。宣撫使司宣撫使四人。副使二人。安撫使司安撫使三人。長官司副長官三人。千戶一人。

貴州長官司長官六十五人。副長官二十一。人。

凡土官承襲。由督撫覈明應襲之人。先令任事。隨取司府州縣鄰封土司印結。及本族宗圖原領部牒。於半年限內。具疏請襲。部覆得

旨。書其官階世系。及承襲年月於牒。給為憑信。不能於限內題請者。聲敘所由。咨部存案。異日準襲。○承襲之法。以適長子請襲。如無子。準孫襲。無孫。準弟襲。無子弟。或妻及婿。為彼眾信服者。許一人襲。承襲之子孫年幼。督撫選本族土舍。護理印務。俟其年十有五。請襲。不按宗支。假冒凌奪者。罪之。年老有疾。請以子代者。聽。○土官支

欽定大清會典事例

庶子弟有馴謹能率眾者許土官詳報督撫疏請頒給部牒分土官所轄疆土三之一或五之一令其視事授職視土官降二等更有子孫可分者亦如之授職再降一等

凡敘功土司有軍功者由原銜遞加至宣慰使指揮使止無可復加者注冊仍以本職治事承襲時止授原爵其治績勤敏者量予加級紀錄有差

凡議過視流官例例詳吏部其不食俸者遇降罰之案按品計俸罰米貯常平倉備賑每俸銀一兩罰米一石

因公罪誤例應革職者准降四級畱任賄縱滋事者論如法

凡改土歸流土司傾心向化率屬內附由督撫疏請改隸民籍者授以守備或千總把總之職準其世襲其年富才優者隨營効力該管官保題與武職同升轉若土司獲罪革除遷地安置襲替無人者土地人民歸地方官管轄

欽定大清會典事例 卷之六十二 兵部

奠替無人者土人知諳此官管轄

設與流離同代轉送土匠糞果革創數此安置
舉其州糞其平富木器清園管校次送管官外
施其地特只諫管對以官散短干縣其縣之鄉
凡如土諳流土匠酌心向分率風內州由管轄
事皆備收志。

因公里馬險輒革鄉管解制四級雷升限縣落

欽定大清會典卷之六十二

兵部

職方清吏司

大清皇輿全圖

直隸全圖

盛京全圖

吉林全圖

黑龍江全圖

山東全圖

山西全圖

河南全圖

江南全圖

江西全圖

福建全圖

浙江全圖

湖廣全圖

陝西全圖

四川全圖

廣東全圖

廣西全圖

雲南全圖

貴州全圖

內扎薩克諸蒙古部落全圖


喀爾喀四部落全圖

青海四部落全圖

西域全圖

西藏四部落全圖

大清皇朝全圖




欽定大清會典

卷之六十五


兵部

三


大正二年... 兵部



直隸全圖



吉林全圖



黑龍江全圖



欽定大清會典

卷之六十五


兵部

七

山東全圖




山西全圖



河南全圖



河南全圖



江南全圖



海岸

浙江界


水經

卷之三

兵部

上

江西全圖



兵部



福建全圖

浙江全圖



大清會典事例
兵部

十四

浙江全圖

三

湖廣全圖

欽定大清會典

卷之三十三

四



次三大清會典

卷之三十三

兵部

左

陝西全圖



欽定大清會典事例
卷之六十三
兵部

一



大正六年三月廿五日
兵部



四川全圖


銅仁府界

遵義府界



欽定大清會典事例 卷之三十三

廣西全圖



欽定大清會典事例 卷之三十三 兵部



雲南全圖



貴州全圖

卷之三十三



兵部

三

三

內扎薩克諸蒙古部落全圖



欽定大清會典

卷之六十三

三

喀爾喀部落全圖



扎薩克圖界

青海西部落全圖



大清一統志

卷之二十三 兵部

三

西域全圖





營制

凡營制相鄰邑之衝會山川之險要設成置兵
 立之將帥授之節制以綏靖嘉師控馭遐裔垂
 久安長治之道於億萬年焉

○直隸總督節制本標左右前後四營同城保

定城守一營分防新雄東路南路西路北路張
 家口獨石口永定河北運河南運河十營其屬
 副將一人叅將一人游擊三人都司二人守備
 五人千總二十五人把總四十五人兵五千八
 百四十五人○提督節制本標中左右前四營

同城古北口城守一營分防河屯三屯山永三
 協昌平遵化喜峯密雲石塘順義八溝潘家口
 薊州山海石門燕河建昌居庸鎮邊華懷柔
 唐三營湯泉黃花路二十營其屬副將三人叅
 將二人游擊五人都司十有八人守備十有一
 人千總三十七人把總九十八人兵九千四百三
 十人○馬蘭鎮總兵官本標左右二營同城餘
 丁一營分防曹家路崎子路黃花山三營其屬
 游擊一人都司二人守備三人千總九人把總
 二十一人兵二千七十三人○泰寧鎮總兵官

本標左右二營分防紫荆關易州廣昌白石馬
 水沿河插箭嶺房山水東村九營其屬叅將一
 人游擊二人都司四人守備九人千總十人把
 總二十六人兵三千三百十有六人○宣化鎮
 總兵官本標中左右三營同城宣化城守一營
 分防張家口獨石口二協蔚州柴溝懷安赤城
 西城永寧龍門懷來長安萬全膳房堡新河堡
 洗馬林西陽河左衛城滴水崖雲州鎮安龍門
 所東城岔道周四溝四海冶葛峪二十四營其
 屬副將二人叅將一人游擊三人都司十有二

人守備二十四人。千總十有八人。把總四十七人。兵八千五百八十九人。○天津鎮總兵官本標左右二營。同城。天津城守一營。分防河間通州。二協。涿州務關拱極。霸州大沽。宋育三河玉田豐潤。張家灣寶坻文安武清靜海蒲河樂亭舊州四黨。景州崔黃口良鄉大城二十二營。其屬副將二人。叅將二人。游擊五人。都司十有四人。守備十有二人。千總二十七人。把總七十二人。兵八千六百六十一人。○正定鎮總兵官本標左右二營。同城。龍固城守一營。分防大名一

協。固關廣平順德磁州杜勝王家坪龍泉關倒馬關忠順開州矣溝。十有一營。其屬副將一人。叅將一人。游擊四人都司八人。守備五人。千總十有九人。把總三十二人。兵六千四百三十四人。

○山東巡撫兼提督節制二鎮。本標左右二營。其屬叅將一人。游擊一人。守備二人。千總四人。把總八人。兵九百十有六人。○兗州鎮總兵官本標左右二營。分防沂州臨清。二協。曹州德州泰安臺莊壽張高唐東昌梁山沙溝范縣。十營。其屬副

將二人。叅將四人。游擊三人。都司六人。守備九人。千總二十人。把總四十三人。兵七千六百十有二人。○登州鎮總兵官。本標左右前三營。分防文登。膠州二。協濟南。萊州。卽畢青州。武定。安東。寧福。壽樂。成山九營。其屬副將二人。叅將四人。游擊三人。都司六人。守備十人。千總二十三人。把總四十九人。兵八千二百六十九人。○河東河道總督。本標中左右三營。同城濟寧。城守一營。分防黃運。河。懷河。豫河。三營。懷河。豫河。隸河南。其屬副將一人。游擊二。都司二人。守備六人。

千總十有二人。把總十有九人。兵三千二百五十五人。

○山西巡撫兼提督。節制二鎮。本標左右二營。其屬叅將一人。游擊一人。守備二人。千總四人。把總八人。兵千二百人。○太原鎮總兵官。本標左右二營。同城辛陽。城守一營。分防蒲州。一協太原。汾州。澤平。垣。孟。壽。吉州。運。城。靖。安。隰。州。右。樓。澤。州。十有一營。其屬副將一人。叅將四人。游擊三人。都司八人。守備八人。千總十有九人。把總四十二人。兵八千八百二十人。○大同鎮總兵官。

本標中左右前四營分防殺虎口一協平魯寧武偏關河保老營靈邱新平得勝助馬北樓東路永泉井平朔平朔州利民神池樺林鎮西保德靖遠渾源天城陽和高山懷仁平刑忻州山陰小石口應州三十一營其屬副將一人叅將十有一人游擊四人都司十有九人守備十有八人千總四十人把總八十四人兵萬八千六百八十七人

○河南巡撫兼提督節制二鎮本標左右二營其屬叅將一人守備二人千總四人把總八人兵九百

六十六人。○河北鎮總兵官本標左右二營分防河南衛輝開封彰德陝州崇縣王祿店七營其屬叅將二人游擊一人都司四人守備八人千總十有二人把總二十七人兵四千七百一十有五人。○南陽鎮總兵官本標左右二營分防汝寧歸德襄城陳州商城鄧新信陽七營其屬叅將二人游擊二人都司二人守備七人千總十有三人把總二十五人兵四千七百五十五人

○兩江總督節制三撫一提五鎮本標中左二營同城江寧

城守一協分防安慶一協徽州寧國奇兵游兵
潛山池州蕪采浦口溧陽廣德青山瓜洲十有
二營其屬副將三人叅將二人游擊六人都司
七人守備十有五人千總二十四人把總五十
三人兵九千一百二十七人。○江蘇巡撫本標
左右二營同城蘇州城守左右二營其屬叅將
二人守備五人千總六人把總十有四人兵千
七百六十一人。○安徽巡撫本標左右二營其
屬叅將一人游擊一人守備二人千總四人把
總七人兵七百七十三人。○水陸提督蘇州水

標中左右前後五營同城松江城守一營分防
太湖一協鎮江金山川沙吳淞劉河福山常州
江陰楊舍孟河南匯柘林平望青村靖江十有
五營其屬副將一人叅將五人游擊九人都司
七人守備十有八人千總二十八人把總六十
八人兵萬三千六百七十四人。○崇明鎮總兵
官本標中左右奇四營其屬游擊三人都司一
人守備四人千總八人把總十有六人兵三千
四百七十七人。○狼山鎮總兵官本標中左右
三營分防揚州泰州泰興掘港三江五營其屬

游擊四人都司三人守備六人千總十人把總二十七人兵四千四百六十九人。○壽春鎮總兵官本標中左右三營分防六安泗州廬州亳州四營其屬叅將一人游擊二人都司四人守備五人千總十人把總二十一人兵三千四百十有二人。○江寧將軍本標左右二營分防京口一協高資一營其屬副將二人游擊三人都司二人守備三員千總九人把總十有七人兵四千五百八十員人。

江南河道總督並標中左右三營同城葦蕩淮

徐淮揚二營分防淮徐河營淮揚河營蕭營豐蕭碭銅沛睢靈南岸邳州北岸宿虹南岸宿遷北岸桃源南岸桃源北岸宿遷運河山清裏河山陽裏河山清外河山阜海防山安安阜北岸高堰山圩桃源安清中河高寶運河揚州江防二十三營其屬副將二人叅將二人游擊三人都司三人守備二十四人千總二十七人把總五十人兵萬三千七十二人。

漕運總督本標中左右三營同城淮安城守一營分防廟灣鹽城海州佃湖小關東海六營其

屬副將一人。叅將一人。游擊四人。都司五人。守備六人。千總十有二人。把總二十五人。兵五千有二人。

○江西巡撫兼提督節制本標左右二營。分防袁州九江。二協樟樹南康南湖三營。其屬副將二人。叅將一人。都司五人。守備二人。千總九人。把總二十人。兵三千二百有七人。○南昌鎮總兵官本標前後二營。同城南昌城守南昌二營。分防廣信饒州建昌鉛山鄱湖浮梁廣昌武寧瑞州撫州銅鼓十有一營。其屬叅將二人。游擊三

人都司八人。守備七人。千總十有一人。把總二十六人。兵五千六百八十四人。○南贛鎮總兵官本標中左後三營。同城贛州城守一營。分防寧都南安吉安興國文英永鎮橫岡羊角龍泉萬安永豐永新十有二營。其屬叅將三人。游擊二人。都司十有一人。守備六人。千總十有二人。把總三十三人。兵五千四百二十一。

○閩浙總督節制二撫三鎮。本標中左右三營。同城南臺一營。其屬副將一人。叅將三人。都司一人。守備三人。千總八人。把總十有六人。兵四千二

百二十一。○福建巡撫本標左右二營其屬
參將一人游擊一人守備二人千總四人把總
八人兵千二百九十人。○水師提督節制本標
中左右前後五營分防閩安一協烽火門銅山
二營其屬副將一人參將三人游擊四人都司
二人守備九人千總十有八人把總三十六人
兵八千五百四十四人。○金門鎮總兵官本標
左右二營其屬游擊二人守備二人千總四人
把總八人兵二千三百有四人。○海壇鎮總兵
官本標左右二營其屬游擊二人守備二人千

總四人把總八人兵二千三百有四人。○南澳
鎮總兵官兼屬兩廣總督節制本標左右二營右營隸廣東其
屬游擊一人守備一人千總二人把總四人兵
千一百五十九人。○臺灣鎮總兵官本標中左
右三營同城臺灣城守左右二營分防臺灣澎
湖北路三協南路北路淡水南路下淡水三營
其屬副將三人參將二人游擊八人都司三人
守備十有三人千總二十八人把總五十六人
兵萬二千六百七十人。○陸路提督節制本標
中左右前後五營同城泉州城守一營分防福

州興化二協長福安海二營其屬副將二人叅將二人游擊四人都司六人守備九人千總二十二人把總四十五人兵萬二百五十二人。○福寧鎮總兵官本標中左右三營分防桐山連江羅源三營其屬游擊六人守備六人千總十有二人把總二十四人兵四千八百有一人。○汀州鎮總兵官本標中左右三營分防邵武一營其屬叅將一人游擊三人都司一人守備四人千總十人把總二十人兵四千四百七十一人。建寧鎮總兵官本標中左右三營分防延

平一協楓嶺一營其屬副將一人游擊三人都司二人守備六人千總十有一人把總二十二
人兵四千七百二十人。○漳州鎮總兵官本標中左右三營同城漳州城守一營分防同安詔安平和龍巖雲霄灌口紅花嶺七營其屬叅將一人游擊七人都司二人守備十人千總十有
八人把總三十七人兵七千九百七十人。○福
州將軍本標左右二營其屬副將一人游擊一
人都司一人守備一人千總四人把總八人兵
千八百六十八人。

浙江巡撫本標左右二營其屬叅將一人守備
二人千總三人把總八人兵七百八十六人。○
水陸提督節制本標中左右前後五營同城寧
波城守一營分防杭州湖州嘉興紹興四協乍
浦太湖錢塘安吉四營其屬副將四人叅將二
人游擊五人都司七人守備十有七人千總三
十二人把總六十四人兵萬二千三百七十六
人。○黃巖鎮總兵官本標中左右三營分防台
州一協寧海太平二營其屬副將一人叅將二
人游擊三人都司三人守備八人千總十有六

人把總三十五人兵六千五百九十六人。○定
海鎮總兵官本標中左右三營分防象山一協
鎮海昌石二營其屬副將一人叅將一人游擊
三人都司三人守備六人千總十有三人把總
二十五人兵五千八百二十三人。○溫州鎮總
兵官本標中左右三營同城溫州城守一營其
防樂清瑞安平陽三協玉環盤石大荆三營其
屬副將三人叅將一人游擊三人都司七人守
備十人千總二十二把總四十四人兵八千
一百三十五人。○處州鎮總兵官本標中左右

三營分防金華一協麗水一營其屬副將一人
游擊三人都司三人守備五人千總十有一人
把總二十一人兵三千九百二十四人。○衢州
鎮總兵官本標中左右三營同城衢州城守一
營分防嚴州一協楓嶺一營其屬副將一人游
擊三人都司三人守備五人千總十有二人把
總二十四人兵三千八百八十九人。
○湖廣總督節制二撫一提四鎮本標中左右三營其屬副
將一人游擊二人都司一人守備二人千總六
人把總十有二人兵千四百有三人。○湖北巡

撫本標中左右二營其屬叅將一人游擊一人守
備二人千總四人把總八人兵九百五十五人
○湖南巡撫本標中左右二營其屬叅將一人游
擊一人守備二人千總四人把總八人兵千一
百四十一人。○水陸提督節制四鎮本標中左右前
四營分防湖北黃州一協荊州武昌德安興國
漢陽荊門蘄州道士袱安陸九營湖南長沙辰
州靖州衡州寶慶洞庭永順七協澧州岳州綏
寧長安武岡常德九谿永定城步九營其屬副
將八人叅將七人游擊九人都司十有三人守



備二十四人。千總五十五人。把總一百十有二人。兵萬九千百有一人。○襄陽鎮總兵官。木標中左右前四營同城。襄陽城守一營。分防。鄖陽一協。均房竹山竹谿三營。其屬副將一人。叅將一人。游擊六人。都司二人。守備九人。千總二十人。把總四十人。兵五千六百有五人。○宜昌鎮總兵官。本標中左右前後四營。分防。施南一協。遠安衛昌宜都三營。其屬副將一人。游擊六人。都司二人。守備七人。千總十有六人。把總三十三人。兵五千四百有二人。○鎮筵鎮總兵官。本標

中左右前四營。分防。沅州永綏二協。保靖。晃州二營。其屬副將二人。游擊四人。都司三人。守備八人。千總十有九人。把總三十八人。兵六千二百人。○永州鎮總兵官。本標中左右三營。分防。宜章臨武桂陽三營。其屬叅將三人。游擊三人。守備六人。千總十有二人。把總二十四人。兵三千六百四十人。

○陝甘總督。節制二撫。三提。四鎮。本標中左右前後五營。同城建威城守一營。其屬副將一人。叅將一人。游擊四人。都司一人。守備五人。千總十有二人。把

總二十四人。兵四千九百人。○西安巡撫本標
左右二營。其屬叅將一人。游擊一人。守備二人。
千總四人。把總八人。兵千一百九十五人。○固
原提督節制三鎮本標中左右前後五營。同城。固原
城守一營。分防西鳳潼關慶陽靖遠四協。西安
城守。下馬關。神道嶺。商州。紅德。平涼。蘆塘。鳳翔
關山。盤原。富平。金鎖。關長。武鄉。州。西安。州。蘆溝
八營。永安十有八營。其屬副將四人。叅將四人。
游擊九人。都司十有二人。守備十有一人。千總
二十七人。把總五十三人。兵萬一千四百七十

七人。○延綏鎮總兵官。本標中左右三營。同城。
延綏城守一營。分防波羅神木定邊三協。延安
宜君。黃市。常樂。雙山。綏德。鄜水。懷遠。建安。高家
鎮。羌。孤山。靖邊。鎮。靖安。邊。鄜州。保寧。漁河。清平。
柏林。大柘。油。水。興。木瓜。圍。寧塞。柳樹。澗。魏。井。二
十六營。其屬副將三人。叅將二人。游擊四人。都
司十有七人。守備十有五人。千總十人。把總三
十三人。兵九千二百九十九人。○興漢鎮總兵
官。本標中左右三營。同城。興安城守一營。分防
漢中一協。漢鳳陽平關白土路。漁渡。舊縣。寧羌。

畧陽宋陽七里關九營其屬副將一人叅將二
人游擊八人都司四人守備十人千總十有四
人把總二十八人兵七千二百四十三人○河
州鎮總兵官本標左右二營分防洮岷一協階
州鞏昌秦州循化蘭州岷州舊洮文縣西固臨
洮保安起臺十有二營其屬副將一人游擊七
人都司七人守備三人千總十有四人把總三
十人兵七千八十九人○甘肅巡撫本標左右
二營其屬叅將一人游擊一人守備二人千總
四人把總八人兵千二百人○甘州提督節制四鎮

本標中左右前後五營其屬叅將一人游擊三
人都司一人守備五人千總十人把總三十五
人兵六千人○西寧鎮總兵官本標中左右前
後五營同城西寧城守一營分防大通協鎮
海永安攢羊戎北川白塔南川歸德城遠碾伯
河拉庫托巴暖赤維石十有二營其屬副將一
人叅將一人游擊六人都司九人守備十人千
總六十二人把總四十四人兵九千六百五十
六人○寧夏鎮總兵官本標左右前後四營同
城寧夏城守一營分防中衛花馬池三協靈州

平羅洪廣王泉廣武興武橫城堡石空寺古水
井安定裔心城十有一營其屬副將二人叅將
二人游擊七人都司五人守備十有四人千總
十有三人把總四十九人兵九千六百四十六
人○涼州鎮總兵官本標中左右前後五營同
城涼州城守十營分防永昌一協鎮番大靖莊
浪高古城阿彌鎮羌新城張義蔡旗安遠岔口
三眼井高溝西把截堡土門水泉寧遠松山紅
水十有九營其屬副將一人叅將三人游擊六
人都司十人守備十有五人千總二十人把總

四十三人兵九千九百五十二人○肅州鎮總
兵官本標中左右三營同城肅州城守一營分
防金塔寺永固三協甘州鎮夷高臺洪水山丹
大馬嘉峪關清水黑城梨園馬營墩硤口平川
紅崖威魯堡南古城十有六營其屬副將二人
叅將一人游擊九人都司八人守備八人千總
十有九人把總四十四人兵萬六百有十人○
安西提督本標中左右前後五營同城安西城
守一營分防靖逆沙州二協瓜州卜隆吉橋灣
赤金黃墩踏實塔爾灣七營其屬副將二人叅

將二人游擊五人都司八人守備七人千總二
十四人把總四十六人兵九千人

○四川總督節制一
提四鎮本標中左右三營其屬副將

一人游擊二人都司一人守備二人千總六人

把總十有二人兵二千四百人○提督節制
四鎮本

標中左右前後五營同城成都城守左右二營

分防秦寧永寧二協普安黎雅峽邊阜和敘馬

建武大壩馬邊安阜青雲沱赤水十有一營其

屬副將二人參將三人游擊七人都司九人守

備十有五人千總三十四人把總六十三人兵

萬九百八十四人○川北鎮總兵官本標中左

右三營分防順慶達州太平潼綿通巴五營其

屬游擊四人都司三人守備六人千總十有一

人把總二十二人兵三千六百人○重慶鎮總

兵官本標中左右三營分防夔州一協綏寧巫

山梁萬黔彭忠州五營其屬副將一人參將一

人游擊二人都司六人守備五人千總十有五

人把總三十人兵四千八百人○建昌鎮總兵

官本標中左右三營分防會川越巂靖遠會鹽

永定寧越嘉順懷遠冕山瀘寧十營其屬參將



二人游擊四人。都司六人。守備八人。千總二十人。把總四十人。兵六千三百人。○松潘鎮總兵官。本標中左右三營分防。維州一協。龍安。漳臘。疊溪。茂州。平番。南坪。小河。七營。其屬副將一人。參將二人。游擊三人。都司六人。守備七人。千總十有八人。把總三十六人。兵五千八百八十六人。

○兩廣總督節制二撫。木標中左右前後五營。同城肇慶一營分防。理瑤海防。二營。其屬副將一人。參將五人都司一人。守備五人。千總十有二

人。把總二十七人。兵五千五百八十四人。○廣東巡撫。本標左右二營。其屬參將一人。游擊一人。守備二人。千總四人。把總八人。兵千四百三十八人。○水陸提督節制七鎮。本標中左右前後五營。同城惠州左右二營分防。肇慶廣州二協。增城平海大鵬和平四會三水東莞七營。其屬副將三人。參將四人。游擊四人。都司八人。守備十有四人。千總三十四人。把總五十八人。兵萬二千八百八十三人。○左翼鎮總兵官。本標中左右三營分防。虎頭門香山春江三協。新會新安廣

海那扶四營其屬副將三人叅將一人游擊五人
都司六人守備十有三人千總二十七人把
總五十一人兵萬一千四百三十八人○右翼
鎮總兵官本標中左右三營分防三江南雄二
協連陽英清二營其屬副將二人游擊三人都
司三人守備八人千總十有五人把總二十九
人兵六千七百八十六人○碣石鎮總兵官本
標中左右三營分防惠來一營其屬游擊四人
守備四人千總八人把總十有六人兵三千五
百三十二人○潮州鎮總兵官本標中左右三

營同城潮州城守一營分防黃岡一協平鎮饒
平潮陽興寧四營其屬副將一人游擊六人都
司三人守備九人千總十有九人把總三十八
人兵六千三百九十九人○高州鎮總兵官本標
左右二營分防雷州羅定龍門三協海安電白
吳川欽州廉州化石碣洲徐聞八營其屬副將
三人游擊六人都司八人守備十有四人千總
二十九人把總五十六人兵萬一千六百十有
九人○瓊州鎮總兵官本標左右二營同城瓊
州一協分防崖州儋州萬州三營其屬副將一

人叅將一人游擊三人都司二人守備六人千
總十有三人把總二十四人兵五千三百五十
八人○南澳鎮總兵官兼屬閩浙總節制本標左右二
營左營隸福建分防澄海一協海門達濠二營其屬
副將一人叅將一人游擊一人都司一人守備
五人千總九人把總二十人兵四千七十八人
○廣州將軍本標左右前後四營其屬副將一
人游擊三人都司一人守備三人千總八人把
總十有六人兵三千四百六十七人
○廣西巡撫本標左右二營其屬叅將一人游擊

一人守備二人千總四人把總八人兵千二百
二十二人○提督節制本標中左右前後五營
同城柳州城守一營分防義寧平樂慶遠三協
全州融懷賓州桂林富賀麥嶺三里東蘭八營
其屬副將三人叅將四人游擊五人都司七人
守備十有三人千總三十一人把總六十一人
兵萬一千三百二十三人○左江鎮總兵官本
標中左右三營同城南寧城守一營分防梧州
潯州新泰三協鬱林瓊嘉龍憑上思懷集五營
其屬副將三人叅將一人游擊一人都司九人

守備九人千總二十人把總三十五人兵七千
五百十有一人。○右江鎮總兵官本標中左右
三營分防鎮安一協恩恩隆林上林三營其屬
副將一人游擊四人都司三人守備六人千總
十有二人把總二十四人兵四千百有十人。○
雲貴總督節制三撫二提十有三鎮本標中左右前後五營
同城雲南城守一營分防奇兵一營其屬副將
一人叅將二人游擊四人都司一人守備六人
千總十有四人把總二十八人兵六千一百四
十人。○雲南巡撫本標左右二營其屬叅將一

人游擊一人守備二人千總四人把總八人兵
千二百八十人。○提督節制九鎮本標中左右前後
五營同城大理城守一營其屬叅將一人游擊
四人都司一人守備六人千總十有二人把總
二十四人兵四千六百七十人。○臨元鎮總兵
官本標中左右三營分防元江新習二營其屬
叅將二人游擊一人都司二人守備六人千總
十人把總二十四人兵四千五百九十人。○曲
尋鎮總兵官本標中左右三營分防武定尋霑
二營其屬叅將二人游擊二人都司一人守備

五人千總十人把總二十人兵四千六百八十人。○開化鎮總兵官本標中左右三營分防廣羅一協廣南二營其屬副將一人叅將一人游擊一人都司三人守備四人千總十人把總二十人兵四千五百九十人。○楚姚鎮總兵官本標中左右三營分防景蒙一營其屬叅將一人游擊三人守備四人千總八人把總十有六人兵三千一百二十人。○永順鎮總兵官本標中左右三營分防騰越一協順雲一營其屬副將一人游擊一人都司四人守備三人千總九人

把總十有八人兵三千八百人。○鶴麗鎮總兵官本標中左右三營分防維西一協劍川一營其屬副將一人叅將一人游擊一人都司三人守備四人千總十人把總二十人兵四千有九十人。○永北鎮總兵官本標中左右三營其屬游擊一人都司二人守備三人千總六人把總十有二人兵千九百五十三人。○昭通鎮總兵官本標中左右前四營分防東川鎮雄二營其屬叅將二人游擊四人守備八人千總十有二人把總二十八人兵六千九百九十人。○普洱

鎮總兵官。本標中左右三營。其屬游擊三人。守備三人。千總六人。把總十有二人。兵二千六百五十一人。

○貴州巡撫。本標左右二營。分防古州。都江二營。其屬叅將一人。游擊一人。守備三人。千總五人。把總十人。兵千七百五十人。○提督節制。本標左。右前後四營。同城安順城。守一營。分防大定。黔西。平遠。遵義。定廣五協。長寨。貴陽。歸化。仁懷。新增五營。其屬副將五人。叅將二人。游擊五人。都司九人。守備十有四人。千總三十九人。把總

七十六人。兵萬一千人。○安籠鎮總兵官。本標中左右三營。分防安南。長壩。永安。普安。四營。其屬游擊四人都司三人。守備五人。千總十有三人。把總二十六人。兵三千七百五十人。○古州鎮總兵官。本標中左右三營。分防都勻。上江。二協。黎平。朗洞。荔波。下江。四營。其屬副將二人。叅將二人。游擊八人。都司一人。守備十有三人。千總二十四人。把總五十人。兵八千六百四十人。○鎮遠鎮總兵官。本標中左右三營。分防清江。銅仁。二協。丹江。台拱。平越。思南。凱里。天柱。石阡。

黃平八營其屬副將二人叅將二人游擊八人
 都司五人守備十有三人千總三十人把總六
 十一人兵一萬一百六十七人○威寧鎮總兵
 官本標中右二營分防畢赤水城二營其屬游
 擊三人都司一人守備四人千總八人把總十

有六人兵二千九百五十八人

威寧鎮總兵官



24

